

中國方志叢書·華中地方·第三七〇號

據

民國三十三年
祝世德等纂修
鉛印本

影印

四川省

汝川縣志

(全)

成文出版社有限公司印行



10101413

51.10.63

中華民國六十五年 月壹一版

汶川縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

汶川縣志 目次

省府主席張序
民政廳長胡序
教育廳長郭序
汶川縣全圖

卷一

疆域

建置

附沿革表

城邑

山川

附溝渠

地勢

地質

氣候

卷二

卷三

職官

附司法

附黨部
附表

鄉里

附保甲

鄉鎮團五保

賦稅

附權法

倉儲

役法

學校

附捐資置買尤溪山場茶園字號姓名

卷四

交通

卷五

州

縣

驛站

舖遞

關隘

營汛

塘遞烟墩哨樓

物產

荒地

祀典

附寺院

清乾隆外通總

風土類

藝圃 蘇荷樂之民俗

宗教

語言

卷六

選舉

附 議員

仕官

孝義

瓦寺土司

附 西路土司

卷七

古蹟

附 八景

名勝

藝文

附 文獻

附錄

舊志存目

題名錄

續修汶川縣志序

方志之輯，所以察疆理建置之宜，省世會通變之跡。凡夫山川輿域，物產貢賦，民俗土風，靡不總括區列，著已往之成規，而未來之施政敷教，率於是取資焉。非特披拾舊聞，驚奇炫博已也。以予所覩，明康海之武功志，清李兆洛之鳳臺志，最稱精當，其他輯錄，鮮有逮者。於以見斯事之難，豈率爾操簡牘者所能爲役哉。十九年予長上海市政，嘗延聘通人，甄訪故實，纂輯市志，未及厥事，而奉命量移。比歲以來，主政鄉邦，復創設省通志館，以列舉例目，廣事採訪爲先務。并飭各縣續修縣志，冀文獻之有徵，庶典型之勿墜。今年春，汶川視縣長首告成書，請序於予。予惟徵文紀獻，必尙體要，正名辨方，尤貴真確。古籍所載，里巷所傳，謬誤滋多，慳野奚取，則攷訂宜精也；瀛海棊通，設施日異，舉凡工藝之興，寶藏之啓，育賢理財之方，農田水利之要，或情與古殊，或事非夙具，則甄採宜備也；祀典之文，類屬通則，翰藻之末，無裨政本，往之秉筆者，止取奢博，遂失詳究，濫人之弊，觸目皆是，則抉擇宜審也。具此三善，而又通知古今之宜，殫察利病之跡，斯可以信今傳後，而無愧於作者之林矣。汶川僻處西陲，縣志夙無善本。清嘉慶間李錫書纂汶志紀略，雖於建置沿革，攷之綦詳，而民風物產攷之歸流諸政，缺漏實多。今視縣長獨能於從政之暇，躬自纂錄，未暮歲而成書，爲卷七，爲目二十有一。雖未必悉合於前之所謂三善，然攬古甄今，有條不紊，得失利病，庶乎可稽。予既嘉其用力之勤，赴事之勇，且可爲各縣導其先路，爰不辭顛繆，而樂爲之序。

中華民國三十三年八月

張羣

續修汶川縣志序

汶川古爲冉駝地屬汶山郡漢始置今縣舍密懷谷風疾天寒雖民漢雜處而醇風曠古惟文獻不足考鏡無由壬午冬祝子世德來守是邦宜民善俗布政秩然撫循之暇慨然於舊志之無存謀諸邑彥共續修之書成徵序於余余惟禹貢岷山導江史記作汶山導江司馬溫公類篇註漢音岷是汶之與岷蓋三而一意者古人名江則汶稱山則岷以示區別歟揚雄蜀王本紀謂禹本汶山郡廣柔縣人生於石紐考石紐在今縣境然則其地殆爲神禹之所出左太冲有云岷山之精上爲井絡天地運期而會昌景福胥鍾而興作宜乎岷江水利見稱於世而民族復興植基於巴蜀也汶雖巖疆不其偉乎斯志之成願不惟周詳風土裨施政抑亦追思皇古發揚地方文化之一助撫茲貞元彌珍典籍愛識敬言以弁其端

中華民國二十一年十二月 日 胡次威謹序

汶川縣志敘

夫方志之書豈僅紀其大事輯其佚聞以備歷史學家之采擷而已哉豈僅圖其山川詳其丘里以備地理學家之參驗而已哉亦以作政治敷施之借鑑示社會與觀之嘉撫也故方志之書有學術上之意義兼有政治上之意義有學術上之功用兼有政治上之功用揚摧爲論其在學術上之意義淺政治上之意義深學術上之功用微政治上之功用鉅此非對於政治學術抱有畸重畸輕之見而發爲一軒一輊之議乃因方志之書其鵠的原在政治上之貢獻而不在學術上之貢獻也

方志之書必有骨幹若以文藻爲美以考證爲功豐其肌而弱其骨繁其柯而爾其幹則對於學術固有小補對於政治實無大用非其體之宜也方志之骨幹須依循政治之原則吾國今日政治之最高原則厥維三民主義非實行三民主義無以集禦侮之雄力無以樹建國之良猷無以奏治安之宏功無以成富強之偉業然則居今日之編纂方志其必以三民主義爲骨幹明矣茲略申其指

慨自島夷猖獗神州塗炭饕餮恣其慾心鯨鯢逞其威虐封豕搖其兇喙長蛇流其毒瘴吾中華健兒執戈衛國浴血鏖兵志成城肉作壘有効命以捐軀無畏敵而旋踵以久戰之不餒故勝利之可期此即民族主義之高潮足以驚天地而盪風雲壯山河而貫日月仇國爲之震懼友邦爲之贊歎撰方志者對於歷代之忠臣烈士自須表章至於今日禦侮捍難之英成仁取義之傑功無大小名無顯隱皆宜諏訪其事蹟亟記於篇簡以樹風徽而垂矜式俾民族主義之高潮洶湧萬祀而無落此方志之骨幹在於民族主義者也

夏書禹貢周官職方列敘九州言其疆位舉其山水此外禹貢則記其土壤之性質田賦之等別所貢之物品納貢之道路職方則記其物利之分布男女之多寡九穀之所宜六畜之所蕃比而觀之似禹貢注重國用職方注重民生夫民生爲源國用爲流民生裕則國用自足民生困則國用必窘本此以言職方勝於禹貢也撰方志者對於民生事項不可粗略凡當地之物產器械經濟交通農田水利人民之生活職業

生產消耗健康娛樂諸端皆宜有周密之調查正確之統計詳審之記載何者有餘何者不足何者當興何者當革尤貴明白指出以供政府之擇覈而促民生之改進此方志之骨幹在於民生主義者也

昔商君變法而秦強荆公變法而宋弱成敗殊鑣功過異論莫究其故洵有多端而推行之術此得彼失蓋有其主要之原因焉吾國辛亥革命清社爲屋改千年之舊貫躋五族於大同君主一變而爲民主君權一變而爲民權政治上之變化可云劇烈以今衡古商君荆公誠卑卑不足道民元以還迭更闖亂內憂方救外侮驟來今者抗戰之工作未舉建國之工作方興訓政之時期已未憲政之時期將臨我政府正準備實施憲政發揚民權唯是幅輳遼闊人民繁庶教育未克普及民智未達水準社會組織未臻完善且每一地方往往有特殊之情形足以爲憲政之礙輒滋民權之弊端此必須因地而利導也撰方志者對於當地人民之性格思想知識動態社會之組織禮儀風俗習慣皆宜慎爲考察詳爲臚敘尤貴能指出特殊之情形與特殊之問題蒐集材料之時屬擬草稿之際即着眼於憲政之推行民權之應用此方志骨幹在於民權主義者也

綜之方志之體裁因時代而異宜要在契乎時代之精神應乎時代之需要以創新式之範疇勿固故有之曰窠今日之方志如不以三民主義爲骨幹烏乎可哉烏乎可哉

禹生石紐攷之汝志紀略爲今汝川縣之創見坤西蜀之開化既先而汝川之文物尤早祝君世德任汝川縣長之翌年纂修縣志屬稿既竟問序於余余素未治方志之學又未讀祝君之書故不敢有所評攷爰抒管見以貽祝君祝君往宰斯邑時僅歲餘藉臨政之隙釐修文之業日華篋景脂燭繼輝夙夜勤懇無愆職守縣志之成足以作政治敷施之借鑑示社會興觀之嘉標亦可斷言人之所見固自略同知祝君必已先得我心故直述所懷而爲之序

原
稿
缺

—
|
—
—

設布政分司，管糧儲，住劄茂州，帶管松潘。按察分司，帶管兵備，住劄松潘，帶管威茂。宏治間，始設整飭威茂等處地方兵備，總理糧儲按察司副使，曰威茂道，轄州二：曰茂州，曰威州。縣三：曰汶，曰保，曰漢。衛一：曰茂州衛。所四：曰左，曰右，曰中，曰前。守禦千戶所三：曰威州，曰灌縣，曰疊溪。隸四川省。洪武十四年，以汶川縣省入爲茂州，領縣一：曰汶川。後改屬成都府。雍正五年，復隸茂州。

按漢武帝置汶山郡，在今之茂州。蜀漢置汶川縣，即於縣置汶山郡。晉徙汶山郡於都安，在今之灌縣。故茂州，汶川，灌縣，皆稱汶山云。

時代	名稱	縣	備
古	冉駹		
唐	氏羌		
夏	要服荒服		
商	氏羌		
周	蜀羌		
秦	冉駹	汶山郡	同本仍爲冉駹
漢	汶山縣	汶山郡	平西南夷後設置
東漢	綿陽道	益州	魏晉復置汶川縣隸汶山郡
晉	汶江縣	涪陽郡	
梁	汶山縣	汶山郡	東晉廢縣郡徙都安
後周	汶川縣		
隋	汶川縣		
唐	汶川縣	茂州	初廢郡改汶川縣復汶山郡 唐初置南宮州開元中尉通化郡肅宗時復隸茂州
宋	汶川縣	茂州	神宗置茂州即縣置威茂軍使尋復茂州

考

汝川縣志

卷一

六

南宋
元明
清民國

汝川縣
汝川縣
汝川縣
汝川縣

汝州
汝州
汝州
汝州

至正十九年以戶口稀少改設巡檢可後復置
宣德間移治寒水驛即今治也

城邑

汝之有城，自明正德七年始。舊志於城置中，謂「明正德七年，知縣李明築石城，周一百四十二丈，高一丈六尺，二門，門各有樓。」一復於城邑中，稱「汝無城，汝之有城，自邑令李天慶始。」二是曲筆，且不能自圓其說者也。因著其源，而以縣治之營繕附之。

汝川故城，在今理番縣新堡鄉東山腰之坦平處，即清古城址，今俗所稱之姜維城是。明宏治中，擬遷威州於汝川，知州趙符節，千戶趙方築威城包玉壘其內，石壁刻玉壘山三大字。漢之涪城，晉唐以下之汝山汝川，俱係故城，正德七年，以在番營故城州，遂徙玉壘，更名威州，而遷汝川於寒水驛。今汝城絕小，因稱治也。

汝川新城，為明正德七年知縣李明所築，山石砌垣，初不甚固，城周一百四十二丈，高一丈六尺。二門，門各有樓。地汝川地瘠多荒，草坡生番尤為桀驁，故設巡檢一員。以建新城為緣治，遂裁巡檢。康熙四十七年，大水，城壞，年久未修。乾隆二十八年，知縣李天慶，始詳請動修，仍以山石亂砌，塗以白堊，名曰虎皮石。規模較前為大，計城高一丈八尺，底寬九尺，頂寬六尺，週圍二百八十丈，壕口五百二十八。上下二門，南曰永豐，北曰寧遠。城樓二所。蓋距城壞與修起之時，竟為三十五年矣。是時城中居民，不及甘家，又無井泉，汲道取於城外。而城皆松茂孔道，每有警，即人心惶惑，不可終日。嘉慶五年，歲次庚申，賊匪竄入松潘，遊騎遠歸化，警報宵至。知縣李錫晉，以城不可守，募夫於城外山水會陰處，起上下二關，相距二里許。自三月二十四日至四月十五日，城廢。關賊乘折入石泉，走龍安，城中乃定。上關在索橋外，壁立千仞，飛鳥絕跡，下臨大江，懸流萬仞，中道一棧，路不容車，亦一險也。舊志稱：自石關則城固，而盜竊無所容跡。若民亦漸阜繁云。

縣治，明宣德間，草建正堂，其宅舍分建縣門外。宏治中，知縣張質改作瓦廡。幕宅一所，典史王彥芳修，明末燬。清順治間，知縣張禮祖始建大堂三楹。康熙六年，知縣陸治源建頭門東西角門。十九年，知縣陳名蟠重修。康熙六年，知縣陸治源建西宅一座三間，匾曰絳雪齋。康熙八年，知縣田卜昌建川堂一座，匾曰玉宇清署。道光中，知縣陳立富，修建科房六所。後此邑令，代有修葺，遂蔚然呈今日之壯觀。

正街柏油路，為民國知事雷蔚華所築，路平且直，遠勝夷路。行旅至此，愈覺有內地風光焉。

山川

八

汝川之山，為蜀山之首，其川，則古所謂之江源也。昔人有考其源委者云：禹貢，岷山導江。史記，作岷山。輿地志：岷山，在蒲氏道西微外。華陽國志：汝山，在汝山郡左封縣；又，汝山在臨洮郡臨洮縣。括地志：岷山，在益縣縣，連綿至蜀，幾二千里，皆名岷山。寰宇記：羊臍山，在平康縣。輿地廣記：岷山，在汝山縣西北，俗名鐵豹嶺。方輿勝覽：禹貢梁州之山四，岷嶓蔡蒙，西山皆岷，北山皆嶓，南山皆蒙也。一統志：在茂州列鶴村，去州四十里，其高六十里。山有九峯，四時積雪，經暑不消，每晨光射之，爛若紅玉，去成都五百里，西望之若在戶牖，唐人呼為九頂山，杜子美詩所咏西山是也。元和郡國志：岷山郡汝山，南去青城山百里，天色清明，望見成都，山頂積雪，常深百尺，夏月融消，江為之溢，卽謂之南首也。史註云：在隴西郡岷州溢洛南一里，連綿至蜀二千里，皆為岷山，連峯疊岫，重接險阻，不詳遠近，青城天彭諸山之所環繞，其為羊臍山，為鐵豹嶺，為濟山，為鴻濛，為汝嶺，皆是也。

江自蒲氏道西微外，流入松潘北，又東南經靈溪茂州，過保子關索橋外，東合沱流，入汝州縣。益州記：大江泉流，始發羊臍嶺下，緣崖散漫，小大百數，殆未濫觴，東南下百餘里，至白馬嶺，曲行二千餘里，至龍洞，又八十里，至瀘陵縣，又南六十里，至石鏡，又六十餘里而至北部。元和志：有江源嶺，在汝川縣西北三十里。江源記云：江發源於陝西臨洮之木塔山，水自山頂分東西流。東流者，卽岷江也。由草地甘松嶺（卽今甘松嶺）八百里至漳腫。由磨刀灣達於松潘，至下水關入紅花屯。經靈溪至穆甫堡，黑水從南合之。入深溝，經茂州至汝川。轉嶺，合草坡河出露崖關至灌口，分道而下。在威玉壘山，為玉輪江。在汝川為皂江。在流口為新繁入成焉，為外江。由溫江東府入流，為皂江。自落口分流，經漢州新都入簡州資陽，為中江。省志：一名瀾水。瀾水每動較沱沱輕二兩。瀾水，卽次玉水也。按江源出於黃河之西巴顏哈拉嶺七七勤哈納，番名祿提提。古人誤以保源卽江源，誤也。今備載其源流，為山川志。

山

岷山，來自中條臨洛北嶺脈之巴顏哈喇山系，經西康入川。向東一支縣延於川北，卽陝鄂兩省邊界者，稱大巴山脈。餘自松潘北境，歧而為二，由此而南，夾峙岷江。在江岸之東者，如弓橫嶺，雪山，太白，九峯，娘子嶺等高峯，統名鹿頭山。

